



Broj: 04-40-1-290/24
Sarajevo, 17.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 16.10.2024. do 08:30 sati 17.10.2024. godine**

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku jučerašnjeg dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na području Općine Jablanica, naselje Donja Jablanica, službe zaštite i spašavanja Kantona Sarajevo sa teškom mehanizacijom (pet bagera rovokopača i dva velika kamiona) sa posadama;
- na području Grada Konjica, naselje Buturović Polje i sela ispod planine Bitovinjke na čišćenju puteva i korita vodotoka službe zaštite i spašavanja Kantona Sarajevo sa jednom radnom mašinom (bager CAT rovokopač) sa posadom.

Štab je dana, 09.10.2024. godine održao nastavak vanredne sjednice na kojoj je razmotrao Izvještaj o radu Interinstitucionalne radne grupe na procjeni stanja na lokalitetu Curne njive i Bistrički potok sa prijedlogom interventnih i trajnih mjera od 15.10.2024. godine, koji je dostavio Zavod za izgradnju Kantona Sarajevo, kao i Preporuku za evakuaciju stanovništva sa lokaliteta ul. Bostarići i Ablakovina, MZ Širokača, koju je dostavila Općinska služba civilne zaštite Stari Grad, te Zahtjev Kabineta premijera Kantona Sarajevo, koji se odnosi na pojavu klizišta na navedenim lokacijama na području Općine Stari Grad.

Na osnovu navedenih akta, Štab je donio Zaključak, kojim se prima k znanju Izvještaj o radu Interinstitucionalne radne grupe na procjeni stanja na lokalitetu Curne njive i Bistrički potok sa prijedlogom interventnih i trajnih mjera i da se isti dostavi na nadležno hitno postupanje Federalnom štabu civilne zaštite i Federalnoj upravi civilne zaštite, kako bi bio prosljeđen nadležnim institucijama u Republici Srpskoj sa molbom za povratnim informacijama o poduzetim interventnim i trajnim mjerama. Navedenim Zaključkom Štab je također, primio k znanju i Preporuku za evakuaciju stanovništva sa lokaliteta Ul. Bostarići i Ablakovina, MZ Širokača, koju je dostavila Općinska služba civilne zaštite Stari

Grad i zatražio od Općinskog štaba civilne zaštite Stari Grad da odmah bez odlaganja postupi u cijelosti po Naredbi Štaba, broj: 08-40-1007-3/24 od 09.10.20224. godine, kao i Zahtjev Kabineta premijera Kantona Sarajevo, te informisao Kabinet premijera Kantona Sarajevo da je Štab poduzeo sve potrebne aktivnosti u skladu sa svojim nadležnostima i pozitivnim propisima iz oblasti zaštite i spašavanja i da im se dostavljaju usvojeni akti od strane Štaba vezano za pojavu klizišta na području Općine Stari Grad.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su četiri intervencije. Jedna intervencija se odnosi na obezbjeđivanje prilikom tankovanja goriva na Međunarodnom aerodromu „Sarajevo“, jedna ga gašenje zapaljenog stambenog objekta, jedna na gašenje zapaljenog niskog rastinja i jedna na gašenje zapaljenog otpada u kontejneru.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok u u cilju ranog upozoravanja ugroženog stanovništva i njihove eventualne evakuacije.

Izlaskom na lice mjesta u više navrata u toku dana 16.10.2024. godine uočeno je da su na terenu i dalje prisutne duboke pukotine koje su u međuvremenu napunjene vodom te da dolazi do pojave isticanja vode iznad lokaliteta Curine njive-igralište (dio Općine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu Curine njive, što predstavlja donju tačku nasipa/deponije od strane gradilišta Hills (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa Trebevića.

Na predmetnom lokalitetu ne odlažu se nove količine zemljanog materijala i otpada.

U periodu od 14.10. do 15.10.2024. godine izvršeno je otkopavanje druge drenažne cijevi na dijelu nasipa/deponije (u blizini gradnje objekta Hills) i to na dubini cca 8 m, s ciljem produžavanja istih te postavljanja novih drenažnih cijevi kako bi se podzemne vode preventivno preusmjerile na drugi lokalitet na području Općine Istočni Stari Grada Sarajevo, dok se u nastavku radova planira izvršiti odvoz nasutog materijala u donjem dijelu nasipa/deponije prema lokalitetu Curine njive, kako bi se utvrdio uzrok nastanka vode.

Izlaskom na lokalitet Bistrički potok dana, 16.10.2024. godine utvrđeno je da je i dalje djelimično zasuto korito Bistričkog potoka materijalom sa deponije i obrušenim stablima. Nisu uočena nova obrušavanja materijala sa deponije u vidu zemljano-kamenog materijala i stabala, niti je uočeno da je vršeno uklanjanje ranije odloženog zemljano-kamenog materijala i stabala.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 94%, barometarski pritisak 950,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS**, **Centrotrans – Eurolines d.d.** i **JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a